

أعرف حبيبك

اللى أوله شرط آخره نور
واللى بيتلكك عشان يسيبك .
نفضله خليه يغور
مش ح تاخذ غير نصيبك
مهما سهلت الأمور
بكره الأيام عليه تدور
دى المحبه ويا الأحبه
بتخلى الدنيا حوالينا نور
والعتاب لو كثرته حبه
منه ح تضيق الصدور
دور ع اللى يخلص ف حبك

واللى قلبه يرتاح لقلبك
مش اللى من غلطة يثور
ويخلى دمك يفور
اللى بيحبك راح يصونك
عمره ما يفكر يخونك
يمسح بكمه دمة عيونك
ويسهل عليك الامور
يبقى سندك لو الدنيا عليك تدور
اللى بيحبك يشاركك
لو ناسيه هو فاكرك
لو تناديه على طول يجيك
مش يقولك مش فاضيلك
وكأنه ح يعدى بحور
اللى بيحبك يحاوطك

ممکن یتحمل قساوتک

عشان حکایتہ من حکایتک

انت غایتہ وهو غایتک

بالحب والتفاهم

املاً حیاتک بالسرور

الحياة محتاجة

بسمه وكلمة حلوة

مش ناقصة ...

تعقيد للامور

واللى اوله شرط

آخره نور